

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na 29. sjednici Predstavničkog doma, održanoj 14. maja i 4. juna 2008. godine, i na 18. sjednici Doma naroda, održanoj 17. juna 2008. godine, usvojila je

ZAKON

O IZMJENAMA I DOPUNAMA ZAKONA O LIČNOJ KARTI DRŽAVLJANA BOSNE I HERCEGOVINE

Član 1.

U Zakonu o ličnoj karti državljana Bosne i Hercegovine ("Službeni glasnik BiH", br. 32/01, 16/02 i 32/07) član 1. stav 1. mijenja se i glasi:

"Ovim zakonom propisuje se obrazac, izdavanje, zamjena, rok važenja, gubitak i evidencija ličnih karata državljana Bosne i Hercegovine (u daljnjem tekstu: BiH)."

Član 2.

U članu 6. iza stava 6. dodaje se novi stav 7, koji glasi:

"Nadležni organi definisani članom 7. ovog zakona dostavljaju elektronskim putem naloge za upis podataka u obrazac lične karte organu koji vodi centralnu evidenciju. Organ koji vodi centralnu evidenciju upisuje podatke u obrazac lične karte i uspostavlja skladište obrazaca ličnih karata na jednom mjestu u BiH."

Član 3.

U članu 7. stav 1. mijenja se i glasi:

"Izdavanje, poništavanje i zamjenu ličnih karata u okviru svoje nadležnosti u Federaciji BiH vrše kantonalna ministarstva unutrašnjih poslova, u Republici Srpskoj Ministarstvo unutrašnjih poslova RS-a i u Brčko Distriktu BiH nadležni organ koji funkcionalno djeluje kao državna institucija (u daljnjem tekstu: nadležni organ)."

Stav 3. mijenja se i glasi:

"Nadležni organ rješava kao drugostepeni organ u žalbenom postupku na odluke tog organa koji je rješavao u prvom stepenu za izdavanje, poništavanje i zamjenu lične karte državljana BiH."

Član 4.

U članu 8. stav 1. mijenja se i glasi:

"Lična karta izdaje se državljaninu koji je podnio zahtjev za izdavanje lične karte ili u čije ime je zahtjev podnio njegov ovlašćeni zakonski zastupnik."

U stavu 2. iza riječi "zahtjev" riječ "ili" zamjenjuje se riječju "i".

Stav 3. mijenja se i glasi:

"Ličnu kartu državljanin preuzima lično ili preko punomoćnika."

Član 5.

U članu 9. stav 2. iza riječi: "državljanstvu BiH" treba da stoji tačka a ostali dio teksta se briše.

U stavu 3. iza riječi: "državljanstvu BiH" treba da stoji tačka a ostali dio teksta se briše.

Član 6.

U članu 14. stav 1. mijenja se i glasi:

"Državljanin koji je u skladu sa članom 13. dužan da zamijeni ličnu kartu podnosi nadležnom organu zahtjev za zamjenu lične karte."

Član 7.

U članu 21. stav 1. iza riječi: "Državljanstvu BiH" treba da stoji tačka a ostali dio teksta se briše.

Član 8.

U članu 22. stav 1. mijenja se i glasi:

"U skladu sa zakonom koji reguliše oblast centralne evidencije i razmjene podataka na nivou BiH, vodi se i održava centralna evidencija putem elektronske obrade podataka (u daljnjem tekstu: centralna evidencija) o izdatim, zamijenjenim i poništenim ličnim kartama."

Član 9.

Član 24. mijenja se i glasi:

"Član 24.

Nadležni organ dužan je da redovno dostavlja organu koji vodi centralnu evidenciju na nivou BiH podatke iz svoje mjesne evidencije. Organ koji vodi centralnu evidenciju može obezbijediti podatke iz centralne evidencije nadležnom organu kako bi on izvršavao svoje dužnosti propisane Zakonom."

Član 10.

U članu 37. stav 1. riječi: "od 10 KM do 100 KM" zamjenjuju se riječima: "od 30 KM do 300 KM".

Član 11.

U članu 40. iza stava 2. dodaje se novi stav 3, koji glasi:

"U roku od 90 dana od dana stupanja na snagu ovog zakona, organ koji vodi centralnu evidenciju u skladu sa zakonom koji reguliše oblast centralne evidencije i razmjene podataka u BiH donosi propise o:

- a) zaštiti podataka u centralnoj evidenciji u skladu sa Zakonom koji reguliše zaštitu podataka u BiH;
- b) načinu dostavljanja podataka, nabavljanju, skladištenju i transportu ličnih karata do nadležnog organa;

- c) postupcima elektronske provjere podataka koji se prikupljaju od građana u skladu sa članom 6. ovog zakona kod organa koji su zaduženi za vođenje pojedinih podataka;
- d) načinu razmjene podataka između organa koji vodi centralnu evidenciju i nadležnih organa."

Član 12.

U cijelom tekstu Zakona riječi: "Ministarstvo civilnih poslova i komunikacija BiH - MCPK" zamjenjuju se riječima: "Ministarstvo civilnih poslova BiH - MCP", u odgovarajućem padežu.

Član 13.

Ovaj zakon stupa na snagu osmog dana od dana objavljivanja u "Službenom glasniku BiH", a biće objavljen i u službenim glasilima entiteta i Brčko Distrikta BiH.

PSBiH, broj 202/08
17. juna 2008. godine
Sarajevo

Predsjedavajući
Predstavničkog doma
Parlamentarne skupštine BiH
Niko Lozančić, s. r.

Predsjedavajući
Doma naroda
Parlamentarne skupštine BiH
Sulejman Tihić, s. r.
